

આંનિ નોજોરજોં પદ્મશિ ડૉ કામેસ્વર બ્રહ્મ

(જિડ ખૌરાં)
(2020)



ડૉ અજિત બર'

Through My Window Padmashri Dr. Kameswar Brahma :
A biography on the life and work of Padmashri
Dr. Kameswar Brahma written by Dr. Ajit Boro, M.A.,
B.Ed., M.Phil., Ph.D., D.Lit., Member of Bodo Advisory
Board, Sahitya Akademi, Government of India, Published
by Sri Jayanta Kachari, Kokrajhar on behalf of **GRACY**
HOME LIBRARY, Habrubari, Thulungapuri , Kokrajhar.

First Publication: January, 2020
2nd Edition : 16th November 2020

Copy right ©
The author: (ajitgiyan@gmail.com)

Cover Design: The Author and Elite Offset

Price: 100/-

D.T.P. & Printed at: Elite Offset Press, Gossaigaon.

THROUGH MY WINDOW
PADMASHRI DR. KAMESWAR BRAHMA
(Biography)
2020

DEDICATED TO

GURUDEV KALICHARAN BRAHMA
(18th April/1860 – 8th May 1938)

BODOFA UPENDRA NATH BRAHMA
31st March 1956 – 1st May 1990

Regards
Dr. Ajit Boro
Bhabani Boro (My Wife)
Gracy Boro (My Daughter)
Giyan Raja Boro (My Son)
16/11/2020

लिरगिरिनि सिगां बुंफोरनाय

आंनि नोजोरजों पद्यसि ड० कामेस्वर ब्रह्म

इं 22 अक्टूबर 2019 मायथाइयाव क'क्राझारनि पर्वतझरा, बासबारि गोजौ फरायसालियाव साहित्य अकादेमी आरो पर्वतझरा जिला बर' थुनलाइ आफादा जयै मोनथाम हाबाफारि खुडो जैरै- 1. शु माइ उइनद' 2. बुक एण्ड दा पिपुल आरो 3. लका: दा मेनि भइसेस । बे मेहेरगोनां हाबाफारियावनो गेदेमा पद्यसि ड० कामेस्वर ब्रह्मनि जिउ बिथुन, समाजारि हाबा मावनाय, थुनलाइ सोरजिनाय बायदि बायदि बिहोमानि सायाव बेखेवथि होनाया आंनि बिबानमोन आरो बे बिबानखौ मावफुंनायनि थाखाय लिरथुमनानै लानाय जादोंमोन । पद्यसि ड० कामेस्वर ब्रह्म बिथांनिफ्रायनो थोंजोडै आरो उदाडै नांगौ बाथ्राफोरखौ बुथुमनानै लानो खाबु मोन्दोंमोन । हानायमानि बिथांनिफ्राय मोन्नो हानाय बाथ्राफोरनि सायावनो बिजिरनानै होनाय जादों । हारिमायारि थाखोनि मानगोनां पद्यसि बान्था मोन्नो हानाय सासे गेदेमा, दैदेनगिरि, लिरगिरि, सोलोंथाइगिरिनि हाबा मावनायनि सायाव आबुडै बिजिरनाय हाबाया गोरलै नडामोन । अब्लाबो हानायमानि नाजानाय जादों । बिथाडा इयुन जोलैनि सासे जुगामि थुलुंगानि फुंखा । बिथांनि हाबा मावनाया मोनफ्रोमबो फोथाराव नांजाबनानै थानाय जाय गेदेमानिफ्राय जों, गोदान जोलै आरो इयुन जोलैया गोबां सोलोंनांगौ दड । बिथांनि सान्नाय-हनाय, मावनाय-दांनाय, जानाय-थानाय, गान्नाय-जोमनाय रुजुजायै । बिथाडा सानफ्रोमबो बेयाम गेलेनाय हाबाखौ एसे एसेब्लाबो खालामो । ब्रह्म दोहोरोम सिबियारि जानायखाय गुरुदेब कालिचरण ब्रह्मनि सान्थौखौ मान होयो आरो न'आव यज्ञ होबाय थायो । जानाय लोंनायफोरखौ जखानिल' जायो, सम मथे जायो आरो मख'नो गोनांदि उन्दै समनिफ्राय दिनैसिम बिथाडा जेबो निसा मुवा जाफेरनो लोंफेरनो मोनाखै ।

बिथां गेदेमानि जिउ बिथुन थुनलाइयारि लिरथुननि बागै फोरमायनाय आरो सावरायनाय बिबान रुजुन्नानै मावफुंनायाव आंखौ मदद खालामदोंमोन बर' एडभाइजरि बर्ड, साहित्य अकाडेमिनि मानगोनां सोद्रोमा मुसि राखाव बसुमतारि बिथाडा ।

बिथांनिसिम आं साबायखर बाउबाय । साहित्य अकादेमी, कलकाटानि प्रग्राम अफिसार ड० मिहिर कुमार साहु, बड' एडभाइजरि बर्ड, साहित्य अकादेमीनि लिंगुमगिरि

ड० अनिल कुमार बर' बिथां मोननि सिमबो आं साबायखर बाउबाय आंनि बे गेदेर बिबान मावफुंनो थुलुंगा होनायनि थाखाय ।

बे मेहेरगोनां हाबाफारिखौ मावफुंनायनि थाखाय पर्वतझ'रा जिला बर' थुनलाइ आफादनि आफादगिरि मुसि देबकान्त ब्रह्म आरो नेहाथारि मुसि अम्बिकागिरि हाज'वारि बिथांमोननिसिमबो साबायखर बाउबाय ।

गेदेमा पद्मसि ड० कामेस्वर ब्रह्मनि जिउ बिथुन थुनलाइयारि लिरथुनखौ बिजाब महैरै फोसावनायाव थोजासे मदद, अन्नाय आरो थुलुंगा होगिरि मुसि जयन्त कछारि आदानिसिम साबायखर बाउबाय । बिथाडा बागानसालि, क'क्राझारनि अनसुला गोसोनि सासे फोरोंगिरि आरो समाज सिबियारि । गेवलां नार्जारि आरो अलंबार स्वरगियारी, ग'साइगाव बि.एड. फरायसालिमानि बिबुंगिरिफोर बिथांमोनहा बानान फोसाबनाय हाबायाव थोजासे मदद होदों बेनिखायनो बिथांमोननिसिमबो आं साबायखर बाउबाय ।
गोजोन्थों ।

क'क्राझार
23/10/2020

ड० अजित बर'
गामि: हाब्रुबारि (थुलुंगापुरि)
ला:सो:आरो जिला: क'क्राझार,
बड'लेण्ड, आसाम, पिन: 783370
जानबुं- 8638077413
इ-मेइल: ajitgiyan@gmail.com

आंनि फनैसो



समाजनि फोसाबनाय, सोलायनाय आरो जौगानाया सानसुमाफोरनि सान्नाय आरो मावनायनि गोहोमजोंनो जाखायो । सुबुं समाज जोनोम जाजेन्नायनिफ्राय गेदेमा, दैदेनगिरि, बैसो गोरा सुबुं, बिमा-बिफाफोरनि सान्नाय आरो मावनाय बादिनो समाजा सोलिबोदों गुस्लायबोदों आरो जौगाबोदों ।

बर' समाजावबो समाज, राव, थुनलाइ, हारिमु, रांखान्थि, राजखान्थि, सोलोंथाइ दोहोरोम मोनफ्रोमबो बिथिडाव गुस्लायनाय आरो जौगानाया गेदेमाफोरनि सान्नाय आरो मावनायनि गोहोमनि दारैनो जाबोदों । गुरुदेब कालिचरण ब्रह्मनि समनिफ्राय लानानै बड'फा उपेन्द्रनाथ ब्रह्मनि समसिम आरो गोबां दैदेनगिरि, सानसुमाफोरनि समफोराव बर' समाजाव गोबां गुस्लायनाय आरो जौगानाय फैदों ।

पद्मसि ड० कामेस्वर ब्रह्मआ गोदान मुगानि सासे गेदेमा सानसुमा जाय गेदेमानि सान्नाय आरो हाबा मावनाया गोदान समाजाव मोनफ्रोमबो बिथिडाव गोहोम खोखलैदों । बिथानि सानसिखौ रैखाथि होनाय आरो फोथानानै लाखिनाय हाबाया जों बयनिबो बिबान । बिथाडा सासे थानानै थानाय आदर्सबादि सानसुमानि बिदिन्थि ।

बिथाडा सासे मेंनोरोडै समाज, दोहोरोम, थुनलाइ सिबियारि । एसेबां बैसो जासेआवबो जिरायनाय गैयै समाजनि थाखाय हाबा मावबाय थानाया जोंनि बयनिबो थुलुंगा ।

पद्मस्त्रि ड० कामेस्वर ब्रह्मनि जिउ आरो मावनायनि सायाव “आंनि नोजोराव
पद्मस्त्रि ड० कामेस्वर ब्रह्म” मुंनि थुनलाइनि गेजेरजों समाजाव बिथांनि सानस्त्रिखौ गुवारै
फोसावनायनि गेजेरजों गोदान आरो इयुन जोलैखौ मोजां हाबा मावनो थुलुंगा होनो
नाजानाया ड० अजित बर’नि गेदेरथार हाबा मावनाय । ड० अजित बर’नि बे गेदेरथार
हाबाया बयजोंबो गनायजाथाव आरो अनजाथाव ।

आंनि फंबाय ड० अजित बर’आबो सासे मेंनोरोडै समाज, दोहोरोम आरो
थुनलाइ सिबिसुला । बे फंबायनि थुनलाइयारि नोजोरा थारैनो गोबौ आरो गुवार । सासे
गेदेमानि जिउ आरो मावनायखौ फोथांनानै लाखिनो सान हर मेंनाय गैयै हाबा मावनायनि
फिथाइखौ बे फंबायआ मोननो हाथों बेखौ आं इसोरनि खाथियाव आर’ज गाबबाय ।

क’क्राझार

23/10/2020

नोंथांमोननि फोथायजाथाव

मुस्त्रि जयन्त कछारि

बागानसालि, क’क्राझार

नायखां बिलाइ

आयदा	बिलाइ
पद्मसि ड० कामेस्वर ब्रह्मनि जोनोमः	1
भुमका गामि आरो सेंग्रा समः	2
सोलोँथाइ लानाय आरो साखि मावनायः	4
डक्टेरेट डिग्रि लानायः	8
जुलि जानाय	9
हारिमायारि आरो हारिमागेजेरारि सावरायमा मेलफोराव बाहागो लानाय	10
थुनलाइयारि आरो समाजारि आफादफोरजों लोब्बा	12
दैदेनगिरि महरै हाबा मावनाय	14
फावदिन्थिगिरि महरै ड. कामेस्वर ब्रह्म	20
बान्था मोन्नाय	22
बिथानि थुनलाइ सोरजिनायः	24
आब्रुथि आरो सम मानिसुला महरै	28

पद्मसि ड० कामेस्वर ब्रह्मनि जोनोमः

पद्मसि ड० कामेस्वर ब्रह्मनि जोनोमा क'क्राझार जिलानि आथिखालनि ग'साङ्गाव साब डिभिजननि भुमका होन्नाय गामियाव इं 1 सेप्टेम्बर, 1940 मायथाइयाव जादोंमोन । बिफानि मुडा गबिन्द ब्रह्म आरो बिमानि मुडा जग' ब्रह्म ।

थाइजौ, खान्थाल, गय, माइबारि दैसा जिरि-जिरि समाइना मिथिंगा अरन गेजेरनि जग' ब्रह्मनि गोरबोनिफ्राय थरसे गोजों हाथरखि मह्रै जोनोम मोनहोदोंमोन इसोरनि महिमाया सासे आगोमा बर' फिसा जायखौ जों दिनै पद्मसि, ड० कामेस्वर ब्रह्म मुडै मिबथिगौ । उन्दैनिक्रायनो नायनो समाइना जारौ मोखां । बिलाइ गांनैयावनो देरगोन मुलाखौ सिनायो होन्नाय बादि बिथानि गुनफोरखौ बिमा बिफाया हमदांनो हाखादोंमोन ।

न'खरनि रांखान्थि हालोदआ बारा मोजां नडामोनब्लाबो बिथानि बिफाया दुखु खस्थनि गेजेरजों जा एसे आबाद मावनानै मोनो बेखौनो फान्नानै गरफा-गरनै रांखौ बिथानि फरायनायाव थुलुंगा होदोंमोन ।

जोनोमनिक्राय बिथाडा सनानि सामसजों ओंखाम दौजाफेरनो मोनाखैमोन । मानोना बोथिसे ओंखामनि थाखायनो हाग्रा बंग्रा एवसानानै आबाद मावनो गोनां जायोमोन बिमाबिफाया ।

भुमका गामि आरो सेंग्रा समः

आगोलनि गवालपारा जिला आरो दा क'क्राझार जिला बुंखा एबा भुमका गामि- थाइजौ, खान्थाल, औवा, गय, बायदि रोखोम बिफांजों बुंफबनाय ,समाइना गामियानो बुंखा गामि। गामिनि गेजेरजों बोहैलानाय दैसानि मुडानो बुंखा दैसा । दासिमबो- बुंखा दैसाया बोहैगासिनो दं, नाथाय मिरौ – जिरौ जाबाय । बै समाव बुंखा दैसाया गुवार आरो गोथौ थारमोन । बिखौ बारनोनो गामिनि सुबुंफोरा ज' जानानै दंफांनि दालां बानायनानै लानायमोन ।

मोखा दालां बुंनायमोन बे दालांखौ मानोना बे दालांजों थाबायनानै बारोब्ला- मोखा बाइदि थाबायनानैसो बारनांगौमोन। बुंखा दैसाखौ बारोब्ला, ग'साइगाव सिम फैनो- जेबो राहा गैयामोन । मोखा दालांजों बुंखा- दैसाखौ बारनानैनो अरनबारि गेजेर-गेजेर लामा दोसे दंमोन। आथिखालनि राजालामायानो बै समनि थाबायग्रा लामामोन । लामायाव अन्थाइ बाला जेबो गैयामोन। सम सम बे हाग्राजों बुंफबनाय लामायावनो सानावनो मुफुर, लखाबो नुजाथिनायमोन आरो लखाया अमा, बोरमा, सैमा अरनानै जाहैनायमोन ।

मिन्थिनो मोन्नाय बादिब्ला बुंखा दैसा बारनानै सोनाबथिं अरनबारियाव सिगां बे गामिनि सुबुंफोरा रायजो जादोंमोन । खान्थाल, थाइजौ दंफांफ्रा ग्रोम-ग्रोम दंथारोमोन ।

ड० कामेस्वर ब्रह्म बिथांनि गामिनि सान्जाथिं आबाद-मावग्रा आबाद फोथार । बे हायावनो माइ गायनानै गोदोनिफ्रायनो जाबोदों बिथांनि गामिनि सुबुंफोरा आरो सान्जा फार्से सावथाल गामि दं । गोदोबो दंमोन आरो आथिखालावबो दंगासिनो दं । बे सावथाल गामिनि सान्जा सेरजों जैमा दैमाया बोहैलांदों । जैमा दैनि सायावबो बै समाव दालां गैयामोन । दै सेरनि सावथाल गामिनि सावथालफोरनि नावजोंनो बे जैमा दैखौ बारनांगौमोन। जैमा दै बारनानैसो थुलसिबिल हाथाइ जाहैनो हानायमोन । सानै सावथाल गाथियाल (नाव बारहोग्रा) दंमोन । सासेनि मुंडा दहनाइ आरो सासेनि मुंडा मंगलमोन ।

बिसोरो अराय सम नावआव थायामोन । नावखौ खाबथानानै बिसोरो न'सिडाव हाबनानै थाहैनायमोन । हाथाइ-बाजारनिफ्राय मोनानानै सौफैब्ला बिसोरखौ गोबाव सम गाबज्जिबाय थानांगौमोन । मानोना बिसोरो सान हाबनाय लोगो-लोगो जायै लोडै थाब उन्दुयो ।

थुलसिबिल आरो ग'साइगाव हाथाइनि अनगायैबो सापटग्राम आरो टिपकाइ हाथायखौबो बुंखा गामिनि सुबुंफोरा जाहैनायमोन । बिथाडाबो सम-सम बिफाजों थांफानायमोन आरो मला, समब्राय खिथु, जुलाफि, खुर्मा, बायदि-बायदि गोदै बायनानै जाहैनायमोन । सापटग्राम हाथाइया बिथानि न'नि गामिनिफ्राय 7 (स्नि) माइल गोजान जायो। टिपकाइ हाथाइयाबो 7 (स्नि) माइल जायो । बे हाथाइ मोन्नैनि लामाया जोबोद अरनबारिमोन । सानजौफु समावनो दंफां लाइफांनि थाखाय खोमसि नुलायनायमोन । लामायाव सम-सम लखा मोसाफोरखौबो लोगो मोनफलांनायमोन । ज'ज' नडाबा हारसिडै बै हाथाइ मोन्नैयाव थांनो हायामोन । हाग्रामा ओनसोल बारनानै धुबुरि रेल लाइन मोनो जैमा दैसानि सायाव सापटग्राम खाथियाव गंसे इंराज आमोलनि दालां दं । बे दालां साजों बारलांनानैसो सापटग्राम हाथाइ मोनो । सेंग्रा समाव बिथाडा बे अरनबारि लामाजों हारसिडैयै साइकेलजों गोबां सम थांलाय-फैलाय खालामोमोन गिथाव-बाथाव, लामा द'थायाव हर्खाबै साफा सानै मैसो – लावखारफोर लोगो मोनोमोन । दाउ गुवाखाथं, दाउथु गाबनाय मोखा गाबनायल' खोनायोमोन । टिपकाइ हाथाइयाव थांब्ला लामा गेजेराव गंनैसो मोखा दालांजों दैसा बारनो गोनां जायोमोन । पर्वतझ'रानि लामाफ्रा अरनबारिजोब। थेवबो बारा गिनो गोनां गैयामोन । बै समाव गारि – मटर गैयैलाय थाबायनानैनो हान्था-मेला खालामनायमोन । थाबायनानैनो गामिनि मानसिफोरा गोजान-गोजान लामा हान्थिनायमोन । दानि भुमका गामिया गोदोनि बादि नंलिया । दासमाव गामिनि लामाफोरा मोजां जाबाय । न' बां मोजां जाबाय, हाग्रा ओन्सोला आबाद फोथार जाबाय । बे गामिया दायो क'क्राझार जिलायाव दड ।

सोलोंथाइ लानाय आरो साखि मावनायः

इं 1947 मायथाइयाव भुमका गामिनि गुदि प्राइभेट फरायसालियावनो बिथाडा गुदि सोलोंथाइखौ लादोंमोन । बिथाडा असमिया बिजोंजों सोलोंथाइखौ लानो गोनां जादोंमोन बै समाव गामिनि सुबुं तरेन बसुमतारि आरो अलेन बसुमतारि मोनहानो फोरोंगुरु महैरै बिथांखौ फोरोंदोंमोन । बिसोरो माइनार फरायसालियाव फरायनायमोन । फरायसालियाबो जायगा दाबसेयाव थायामोन । बिथाडा फरायनाय समाव दाबथामसो जायगा सोलायनानै फरायसालिखौ लुनानै होदोंमोन गामिनि सुबुंफोरा । बारा दोहोनि न'डा मोनब्लाबो बिथानि गामिनि सुबुंफोरा आबाद मावनानै ग्रें-ग्रें रायजो जानायमोन।

गुदि फरायसालिनिफ्राय बारग'नानै बिथाडां ग'साइगाव गोजौ फरायसालिआव गेजेर फरायसालिनि सासे फरायसा महैरै सोलोंथाइ लानानै बारग'लाडो । अब्ला क'क्राझारनि सान्जाथिं थानाय बाटाबारि गामियाव बिथांनि बिब'आ हाबा जाहैदों । बिब'आ बिथांखौ गावसिनि न'आव थानानै क'क्राझार गोजौ फरायसालियाव फरायनो लिंहरनायलाय बिथाडा थादोंमोन । मानोना बै समाव बिथांनि बिमाया रूंसारि जाबायमोन। बिब'नि न'आवनो थानानै बा माइल थाबायनानै इं 1956 मायथाइयाव क'क्राझार गोजौ फरायसालियाव सोलोंथाइ लानानै दाइन थाखोखौ बारग'नानै गु थाखोयाव जेब्ला बिथाडा फरायनो लायो अब्ला बिथाडा क'क्राझारावनो थानो लादोंमोन। मुंदांखा सुंद' सल' लिरगिरि रूंसारि निलकमल ब्रह्मनि बिफा, बिथांनि बिगुमै महेन्द्रआ फिसाज्लाफोरखौ फोरोंनो थाखाय बिथांखौ लिंहरनायलाय बिथाडा निलकमलमोननि न'आवनो थानानै निलकमल आरो फंबाय थाफ्लिमोनखौ फोरोंनानै बिथाडा गु थाखोयाव सोलोंथाइ लादोंमोन । बिबदिनो इं 1959 मायथाइयाव क'क्राझार गोजौ फरायसालियाव (दायो Kokrajhar Govt. H.S. & M.P. School) मेट्रिकखौ बारग'नो हादोंमोन आरो फरायनो गोसो थानायलाय आइ. ए. (I.A.) याव मुं थिसनदोंमोन ।

अब्ला बिथानि बिफाया बिखौ साखि मावनो थाखाय बुंदोंमोन । मानोना कलेजाव फरायनाय खरसाखौ हरजोबनो हानाय नडा । नाथाय गावनि फरायनाय गोसो जानायखौ बिफानि सिगाडाव बुंनानै फरायनायखौ थि खालामबाय । अब्ला बिफाया प्राइभेट टिउसन मावनानै फरायनायनि खरसाखौ दिहुननानै लानो थिनो । बिथाडा-बिबदिनो प्राइभेट टिउसन मावनानै कलेजनि खर्साखौ दिहुन्नो गोनां जादोंमोन । बिफाया जा हायो जगार खालामना हरदोंमोन। बिबिदिनो बिथाडा बि.ए. (B.A.) खौबो बारगनो हादोंमोन इ 1963 मायथाइयाव क'क्राझार कलेज निफ्राय जोबोद जेंनानि गेजेरजों। क'क्राझाराव थानाय समाव नआव फैनो माब्लाबा आखाइयाव गरसे फैसा गैयैआव बिथाडा क'क्राझारनिफ्राय रेल लाइन साजों थाबायनानै न'सिमबो फैनांदोंमोन । बि.ए. सिम फरायनानै बिथाडा साखि मावनोसै होन्ना बिफानि सिगाडाव बुंदोंमोन ।

बै समावनो साखि मोनसे बिथानि खाफालाव नुजाफैयो । बिथाडा नागिरनाडाखिसै । बैनागुरि गामियाव थानाय बिथानि खुर्माया बिथानो खौरां हरदोंमोनदि, Rupshi J.N., Academy फरायसालियाव फोरोंगुरु नांगौ होन्नानै । खोरांखौ मोन्ना बिथाडा बिफाजों सावरायलायनानै थानायखौनो थिरांथा खालामो । बै समाव Rupshi J.N., Academy फरायसालियाव बर' फोरोंगुरु सासेबो गैयामोन । बैन्यागुरि, माल्टिझरा, बासबारि ओनसोलनि बर' सुबुंफोरा सासे बर' फोरोंगुरु नांथारगौ होनना दाबि दैखांदोंमोन। बिथाडा इ 1963 मायथाइयाव जेब्ला थानानै जगदान हैयो अब्ला पर्वतझ'रा ओनसोलनि बर' सुबुंफोरा जोबोद गोजोन्नाय मोन्दोंमोन । साखिमावनाय समावनो बिथाडा डिपुटेसनाव थानानै एम.ए. खौ जारिमिन आयदायाव गुवाहाटि मुलुग सोलोंसालिनिफ्राय उथ्रियो इ 1968 मायथाइयाव ।

क'क्राझाराव थानानै जेब्ला सोलोंथाइ लादोंमोन बै समनिफ्रायनो पर्वत'झरा ट्राइबेल सात्र सन्मिलन मुंनि आफादजों लोब्बा थानानै सोलोंथाइ आरो समाजारि हाबाबो मावदों । पर्वतझ'रा ओनसोलाव लामा मोजां गैया, मोजां फरायसालि गैया, लोंग्रा दैनि

खाबु गैया, देहा फाहामसालि (डाक्टर खाना) गैयामोन बै समाव । अब्ला बिथाडाबो फरायसा आफादनि गेजेरजों जेंनाफोरखौ बोस्रानो थाखाय सोरखारनियाव दाबि देख्वांफादोंमोन । पर्वतझ'राजों हान्था मेला खालामनो थाखाय धुबुरिसिम थानो गारि गंसेल' दंमोन । बिबो सापटग्रामआवल' लाखिनानै गेजेराव जेरावबो लाखियाजासे धुबुरियाव लाखिहैनायमोन । फरायसा आफादा दाबि दावआ खालामनानै टिपकाइनि बासबारि स्टेसनाव गारिखौ लाखिहोनो हादोंमोन । लासै लासै लामा-सामाफोरखौ फोसाबनानै होनांदोंमोन। सोलेंथाइ लानायनि थाखाय जायगा जायगा फरायसालि फाथिनानै पर्वटझरानि साखि मावनाय आरो समाजनि हाबा मावनाय फरायसाफोरनो सोलोथाइ लानो खाबु होनाय जादोंमोन । बै समाव साखि मावनाय रुपसि जे. एन. एकाडेमियाव बर', राभा, गार' बायदि बायदि ट्राइबेल हारिनि फरायसाफोरा फरायदोंमोनब्लाबो थाग्रा हस्टेल गैयैलाय फरायसाफोरनि आन्जिमाया बारा नडामोन बिथाडा साखि मावहैनायनि उनाव ट्राइबेल फरायसाफोरनि अन्जिमाया बांनाय निफ्राय बांलानो हमदोंमोन । बिथाडा गाहाइ फोरोंगुरुखौ खावलायनायाव ट्राइबेल हिन्जावसा फरायसाफोरनि थाखाय आरो हौवासा फोरनि थाखायबो गंफा गंफा हस्टेल लुनानै होनाय जादोंमोन। हस्टेलाव थानाय फरायसाफोरखौ दिथा होनायनि बिबानखौ बिथानोनो होदोंमोन गाहाइ फोरोंगुरुआ । सरस्वति फुजायाव गथ'फोरनि हस्टेलावनो पुरहित लांनानै आहुति होनाय जायोमोन । गुरुदेब कालिचरण ब्रह्मनि फिसाज्ला देबेन ब्रह्म बाबाखौबो खेबसे हांखायनानै लांनाय जादोंमोन पुरहित महै ।

इं 1969 मायथायाव धुबुरियाव Girls' College गायसनो। अब्ला बिथाडा बे कलेजाव Part time फोरोंगुरु महै खामानि मावनो लादोंमोन । बेराफारसे Rupshi J.N. Academy याव फोरोंगुरु महै दखांयो । अब्ला बिथाडा गौरिपुराव थानानै बे जायगा दाबनैयाव साखि मावनो लानाय जादोंमोन । फुनि 5 (बा) रिंगायाव साइकेल सालायनानै 7 (स्नि) रिंगायाव Dhubri Girl's College आव क्लास मोनसे History Class खालामनानै बिथाडा गावनि थाग्रा गौरिपुराव साइकेल सालायनानै फैफिनोमोन आरो

ओंखाम जानानै साइकेल सालायनानै Rupshi J.N. Academy याव 10 (जि) रिंगायाव नुजाहैयोमोन । सानसेयाव 40 (ब्रैजि) माइल लामा साइकेल सालायनाय जायोमोन । बिब्दिनो 1977 मायथाइसिम बिथाडा Rupshi J.N. Academy आरो Dhubri Girl's College आव साखि मावनानै 1972 मायथाइयाव ग'साइगाव कलेजाव फोरोंगुरु महैरै ज'गदान होदोंमोन । सोरखारि साखिखौ नागारबोनानै भेन्सार कलेजाव साखि मावनो लाफैनानै जोबोद खस्ट मोननांगौ जादोंमोन । सोरकारि साखिखौ नागारनानै भेन्सार कलेजाव साखि मावनो थांखि लानाया बिथांनि थाखाय जोबोर Challenging मोन । न'नि खामानि दिथा होनाय आरो गावनि जायगायाव गोदान कलेज फसंनानै कलेजखौ जौगाहोनाय बे मोननै नागारनो हायै बिबाननि थाखायनो सोरखारि फरायसालिनि फोरोंगुरु साखि नागार नांदोंमोन । मख'नो गोनांदि बिथाडा ग'साइगाव कलेजाव लेक्सारार जाबाय थानाय समावनो इं 1984 मायथायनि जोबथा बाहागोआव तेजपुराव गिबिसिन डि.इ.इ.अ. सोरकारि साखि इं 1985 माइथायनि जोबथासिम साखि मावहैदोंमोन बोसोरसेनि सुथि लानानै । बोसोरसेनि उनाव फैफिनानै ग'साइगाव कलेजाव प्रिन्सिपाल हाबा मावफैनो ।

डक्टरेट डिग्रि लानायः

इं 1981 मायथाइयाव बिथाडा “A Study of the Socio-Religious Beliefs, Practices and Ceremonies of the Bodos” with special reference to the Bodo of Kokrajhar District आयदायाव गावनि नायबिजिरसंनाय हाबाखौ जागायदोंमोन। गुवाहाटि मुलुग सोलोंसालिनि फकलर रिसार्स बिफाननि प्रफेसार आरो बिफान गाहाइ ड० बि.एन दत्तनि दैदेननायाव बिथाडा नायबिजिरसंनाय हाबाखौ मावदोंमोन। इं 1989 मायथाइयाव डक्टरेट बिमुंखौ मोननो हादों।

बिथानि नायबिजिरसंनाय हाबाया जर'खायै क'क्राझार जिलानि बर'फोरनि सायावमोनब्लाबो दुलाराय बर'फोरनि समाज-दोहोरोमारि फोथाइनाय खान्थि आरो फोरबोफोरनि थाखाय जोबोरै गोनांथार मोनसे आयदा जानो हादों। गोजाम बर' समाजनि खान्थि फोथायनायफोरनि बागै दानि आरो गोदान जोलैनि थाखाय मिथिनो हानाय आरो बर'नि समाज आरो हारिमु फोथांनानै लाखिनांगौनि फारसे सांग्रां जानो आरो आबुडै मिथिनो हानायनि मोनसे गाहाइ फुंखा जानानै थादों। बिथानि नायबिजिरसंनायनि आयदाया बर' समाजनि थामोन्थानि मोनसे बिथा जानानै दड आरो नायबिजिरसंनायनि फुंखा जानानै दड।

डक्टरेट बिमुं मोन्नो हानाया बिथानि मानखौल' गोजौ खालामालाब्लानो जों बयनिबो देदगाथाव बाथ्रा जानो हादों आरो फरायसाफोरनि थाखाय थुलुंगानि फुंखा जानो हादों।

जुलि जानाय

1969 मायथाइनि मे दाननि 1 (से) खालाराव बडाइगाव साफागुरिनि रुंसारि कानाइलाल बसुमातारिनि फिसाजो रेनु ब्रह्मजों बिथांनि जुलि जायो । समाइना बर' सिख्ला, ददेरे महर मोखां, लाजिगुसु आरो गुरै आखुनि रेनु ब्रह्मआ ड० कामेस्वर ब्रह्मजों गोरोबफ्लेनाय । सानैनि जरा आरो संसारा जोबोरै रंजा-खुसि गोरोबफ्लैथारमोन । जुलिनि उनाव बिथाडा साथाम हिन्जाव फिसा आरो सासे हौवा फिसा इसोरनि दान महै मोनो । देरसिन फिसाजोनि मुडा-

(1) मुस्निमा गिरिजा ब्रह्म-बिथाडा बि.एस.सि., बि.एड. डिग्री लानानै दा क'क्राझार सोरकारि गोजौसिन फराइसालियाव आयदा फोरोंगिरि महै साख्रि मावनानै दड ।

(2) मुसि चिरनजिब ब्रह्म बिथाडा रांखान्थि आयदायाव एम. ए. डिग्री लानानै रेल बिफानाव साख्रि मावगासिनो दड ।

(3) मुस्निमा रुपा ब्रह्म बिथाडा जारिमिन आयदायाव एम.ए. डिग्री लाखांबाया ।

(4) मुस्निमा जनालि ब्रह्म बिथाडा इंराजि आयदायाव एम.ए., एम.एड. डिग्री लानानै दा देबरगाव हायार सेकेन्डारि फरायसालियाव आयदा फोरोंगिरि महै साख्रि मावगासिनो दड ।

बिथांखौ सासे देरहासाद बिफा होन्नानै बुंनो हायो । मानोना बिथांनि गथ' गथाइफोरा गासिबो गावबा गावनि आथिं सायाव गसंथानानै थानो हादों ।

हारिमायारि आरो हारिमागेजेरारि सावरायमा मेलफोराव बाहागो लानाय

साख्रि मावनाय समनिफ्रायनो दासिम बिथाडा हारिमायारि आरो हारिमा गेजेरारि खलबाव खुंजानाय सावरायमा मेलफोराव गोबां आयदाफोरनि सायाव लिरबिदांफोर फरायथिबोदों । गोबां सावरायमा मेलफोराव बर'नि समाजखान्थि, फोथायनाय, राव, दोहोरोम बायदिफोरनि सायावनो लिरबिदां फरायथिनानै बर' समाज फोसाबनाय आरो फेहेरनाय फारसे बिहोमा होबोदों ।

इं 1981 मायथाइयाव गुवाहाटि मुलुगसोलोंसालिनि फकलर स्टादिज बिफाननि खुंनाय इउ.जि.सि. नि मोनसे हारिमायारि सावरायमा “Significance and Problems of Folklore Studies in N.E. India” आयदार्जों लोबबा थानाय “Traditional Religion of the Bodos” आयदानि सायाव लिरबिदां फरायथियो ।

बिथानि बे लिरबिदांनि गेजेरजों बर'नि गुदि दोहोरोमनि जारिमिना थारै बेरखांदों। इं 1989 मायथाइयाव गुवाहाटि मुलुगसोलोंसालिनि फकलर बिफाना खुंनाय हारिमायारि सावरायमा मेल आयदा- “Status of women in plains Tribal Societies of Assam: Tradition and change” जों लोब्बा लाखिनानै “Status of Bodo Women in the Society” आयदानि सायाव लिरबिदां फरायथियो ।

बे लिरबिदांनि गेजेरजों बर' आइजोफोरनि जेंना, मान आरो समाजाव आइजो फोरनि जायगा, थासारिया थारैनो बेरखांदों जानांगौ लोगोसे समाज जौगानायाव आइजोफोरनि गोनांथि आरो बिबाननि बाथ्राखौबो गुवारै फोरमायदों होन्ना मिजिं थिजायो।

इं 10 निफ्राय 15 आगष्ट, 2009 मायथाइयाव जेनेभायाव खुंजानाय U.N.O. कनफारेन्स अन इडुकेसन आव बिथाडा “Boro Language and Literature” आयदा लानानै गांसे इंराजिनि लिरबिदां फरायथियो । बे लिरबिदां फरायथिनाय हाबाफारिया बर’ राव आरो थुनलाइनि बागै बुहुमनि मेलेमजिबिफोरनि गेजेराव नोजोर बोनो हादों ।

बेफोरनि अनगायै बिथाडा गोबां हारिमायारि आरो हारिमा गेजेरारि मावबादा, सावरायमा मेलफोराव मेंनाय गोयै बाहागो लानानै बर’ राव आरो थुनलाइ जौगानायनि हाबा मावबोदों । बेफोरबादि मेंनाय गोयै सावरायमा मेलाव माब्लाबा मासिगिरि मह्रै, माब्लाबा फुंखा सुबुं मह्रै आरो माब्लाबा खोनासंगिरि मह्रै बाहागो लानाया फरायसा आरो फोरोंगिरि समाजनि थाखाय जोबोरै थुलुगा खांथाव हारिमु । बेफोरबादि हारिमुनि गेजेरजों बयबो गाव गावनि मेलेमारि नोजोरखौ गुवार खालामना लानो हायो ।

थुनलाइयारि आरो समाजारि आफादफोरजों लोब्बा

बिथाडा इं 1976 मायथाइयाव कअपारेटिभ ससाइटि सोमाव सारनायाव बाहागो लादोंमोन । इं 1976 मायथायाव भारत सरकारजों मावफुंनाय दैदेनगिरिफोरनि हारिमायारि फोरोंथायाव बाहागो लादों । इं 1975-1977 मायथाइयाव गामियारि खलबनि कअपारेटिभ ससाइटिनि आफादगिरि, इं 1985-2000 मायथाइयाव ग'साइगाव कलेजनि Cooperative Thrift Society नि मासिगिरि बिबान लानानै हाबा मावबोदों । बै समावनो बिथाडा क'क्राझार डि.पि.इ.पि.नि एडभाइजर कमिटिनि सोद्रोमाबो जादों ।

इं 1982 मायथाइयाव North East India Council of the Social Science Research, Shillong नि सोद्रोमा महै हाबा मावबोदों ।

इं 1994-1997 मायथाइसिम गुवाहाटि मुलुगसोलोंसालिनि G.U. Court नि सोद्रोमा, इं 1997-2000 मायथाइसिम गुवाहाटि मुलुग सोलोंसालि Executive Council नि सोद्रोमा महै हाबा मावबोदों ।

बड'लेन्ड मुलुगसोलोंसालि Executive Council नि गायसन जेन्नायनिफ्राय दासिम सोद्रोमा महै हाबा मावबोदों ।

इं 2002-2005 मायथाइसिम बिथाडा N.A.A.C. निबो सोद्रोमा जाबोदों । ग'साइगाव फ्राइमारि आसाम साहित्य सभानि इं 1998 निफ्राय 2007 सिम जि बोसोरसिम आफादगिरि बिबान लानानै असमिया राव आरो थुनलाइ जौगानायनि हाबा मावबोनो खाबु मोन्दों ।

इं 1995 मायथाइयाव ग'साइगाव बि.एड. कलेज गायसनो आरो गायसनगिबि आफादगिरि महै दिनैसिम आफादगिरि महै ग'साइगाव बि.एड. कलेजनि जौगानायजों लोगोसे गुन गोनां फोरोंगिरि सोलोंथाइ होनायाव गोख्रों बिबान लाबोदों ।

भुमका गेजेर गोजौ फराइसालिनि बोसोनगिरि महैरै, ग'साइगाव केसब डेका मेमरियेल फरायसालि (1974) गेजेर फराइसालिनि बोसोनगिरि महैरै, भगनेस्वरि डेका गेजेर फरायसालि गायसनो इं (1989) मायथायाव, सोद्रोमा महैरै ग'साइगाव कलेज इं 1972 इं मायथायाव, आरो गसाइगाव कलेजियेट गोजौ फराइसालि, बड़लेण्ड मुलुग सोलोंसालि आरो गोबां फराइसालि गाइसन्नायाव हाबा मावबोदों ।

बिथाडा मेंनोरोडै सासे समाज सिबियारि । बिथानि समाज सिबिनायनि गोसो-बोलोआ फरायसा समनिफ्रायनो जावरिखांनायमोन । थुनफावथाव लिरनाय, समाजारि मेल मिथिंफोराव बाहागो लानाय, लिरबिदां, लिरनाय बायदि हाबाफोराव गोसो गुदुडै आरो गोखोडै बाहागो लाबोनायानो बिथानि समाज सिबिनायनि बिदिन्थिफोर ।

दैदेनगिरि महरै हाबा मावनाय

दैदेनगिरि महरै जाय गुनफोरा सासे दैदेनगिरिनाव थानांगौ बैफोर गुनफोरा ड० कामेस्वर ब्रह्मनियाव दड बेखौ रोखायै बुंनो हायो । गोगो देहा, गोथार आरो गोख्रों साननाय, सम मानिनाय, आब्रुथि, इसोर सिबिनाय आरो फोथायनाय, नांगौ समाव थि थिरांथा लानो हानाय गोहो, अलखथ समाव बिखा फोरदाननानै हाबा मावनाय, गुवार मेलेमारि नोजोर बायदिफोरा सासे गोख्रों दैदेनगिरिनि गुनफोर । बैफोर गुननि गेजेरजों सासे दैदेनगिरिया समाजनि मोनफ्रोम बिथिडाव जौगानाय हाबा मावनो हायो, बयनिबो गोसोखौ देरहासाद जानो हायो आरो इयुन जोलैफोरखौ थुलुंगा होनो हायो । बैफोर गुनफोरखौ ड० कामेस्वर ब्रह्मनियाव नुनो मोनो । गावनि देहाखौ फ्राथ-फ्रिथ लाखिनायजों लोगोसे साननाय-हनाय, मावनाय-दानाय फोरखौबो साखोन-सिखोन लाखिनायखौ नुनो मोनो ।

बिथांनि दैदेनगिरि महरै हाबा मावनाया फरायसा समनिफ्रायनो जागायबोदों । इ 1960 मायथाइयाव पर्वतझरा ट्राइबेल स्टुदेन्ट एस'सियेसननि गाहाइ नेहाथारि महरै सायख' जायो । बै समाव बिथाडा आइ. ए. फरायगासिनो दडमोन धुबुरि जिलानि बासबारि, मलानडुबियाव पर्वतझरा ट्राइबेल स्टुदेन्ट एस'सियेसननि गाहाइ नेहाथारि बिबानखौ राइजोफोरा खौसे मददजों गथायो । बिथांनि मावनायखौ गोजोननाय मोननानै इ 1963 मायथाइयाव बिथांखौनो एस'सियेसननि आफादगिरि महरै खौसे मददजों सायख'यो ट्राइबेल स्टुदेन्ट एस'सियेसननि काजिगामियाव खुंनाय बोसोरारि जथुमायाव ।

बिथाडा फरायसा दैदेनगिरि महरै ट्राइबेल फरायसाफोरनि सोलोंथाय जौगानायनिल' हाबा मावाखैमोन नाथायब्ला पर्वतझरा ओनसोलनि ट्राइबेलफोरनि मोनफ्रोम बिथिडाव जौगानायनि हाबा मावदोंमोन । जों बयबो मिबथिगौदि बै समाव गासै

ट्राइबेल जैरै - बर', गार', राभाफोरनि सोल्लोथाइ आरो समाजारि नुथाइया जोबोरै दुखु नांथावमोन । फरायसालि, लामा, देहा फाहामसालि जायनि जाहोनाव गोरों सुबुं अनजिमानि आंखाल, साखि मावनाय सुबुंनि आंखाल, बेफार-फालांगि खालामनायनि खाबुनि आंखाल बायदि बायदि ।

1. बिथांनि दैदेनगिरि महै हाबा मावनायखौ गाहायाव थख' थख' रायखानाय जाबाय । बर' थुनलाइ आफादनि आफादगिरि मासिखौ बिथाडा इं 2008 आव आजावो आरो इं 2017 सिम आफादगिरि महैरैनो हाबा मावनायनि खाबु मोनो।
2. इं 12-01-2008 मायथाइयाव बिथांनि दैदेन्नायाव भारत सरकारनि ट्राइबेल एफेयारस बिफाननि मन्त्रि बिथां पि. आर. किन्दियानो गांसे गोसोखां बिलाइ गथायो ।
3. बडलेण्ड पिस आरो इन्टिग्रेसन कमिटिनि मासिगिरि महै टंला कलेजाव गोजोन आरो खौसेथिखौ नोजोर होनानै मोनसे रायाजो-राजाफोरनि गुवार मेल खुडो इं 23-03-2008 मायथाइयाव ।
4. इं 02-08-2008 मायथाइ बि.टि.ए.डि. नि गंफ्रोमबो मावखफोराव बर' रावखौ मावखयारि राव महै बाहायहानायनि थाखाय बि.टि.सि. नि मानगोनां गाहाइ मुस्रि हाग्रामा महिलारिनि आखायाव बिथांनि दैदेन्नायाव गांसे गोसोखां बिलाइ गथायो ।
5. इं 22-08-2008 आव बिथांनि दैदेन्नायाव कक्राझार जिला बर' थुनलाइ आफाद, दु.ब.आ.अ.आ. बर' समाज आरो एबसु जैयनो गोजोन आरो खौसेथिनि थांखिजों गुबुन हारियारि दैदेनगिरि फोरखौ जयै लाफानानै उदालगुरि जिलानि जिला बेंगिरिजों सावराय लायो ।
6. इं 26-09-2008 आव गोजोन आरो खौसेथिनि थांखिजों कुमारिकाटयाव बिथांनि दैदेन्नायाव एबसु आरो आबोफनि गेजेराव जयै मेल जथुमो ।

7. इं 29-12-2008 आव बिथांनि दैदेन्नायाव दिब्रुगड मुलुगसोलोंसानि मान गोना भि.सि. नि आखायाव गांसे गोसोखां बिलाइ गथायो । गोसोखां बिलाइनिनि आयदाफोरा फोरियै
- बर' रावआव एम.ए. कर्स गायसन्नाय
- डिब्रुगड मुलुगसोलोंसालिनि सिडाव थानाय गंप्रोमबो फरायसालिमाफोराव बर' (एम.आइ.एल) आव मेजर कर्स गायसन्नाय ।
मखनो गोनांदि बे गोसोखां बिलाइ गथायनायनि फिथाइ महै दायो डिब्रुगड मुलुगसोलोंसालियाव बर' रावआव मेजर आरो एम. ए. कर्स गायसन्नाय जाबाया।
8. इं 06-09-2011 आव मेघालयनि सिलडाव बर' राव आरो थुनलाइ जौगानायनि आयदा लानानै मोनसे हारिमायारि सावरायमा मेल खुडो।
9. इं 12-10-2011 आव माइसराव नेसनेल ट्रेनस्लेसन मिसननि प्रजेक्ट डाइरेक्टर बिथां ड० अदिति मुखारजिखौ लोगो हमनानै माखासे इंराजि बिजाबफोरखौ बर' रावआव राव सोलायनायनि दाबि दैखाडो। बेनिनो रमेला थापार लिरनाय “Early History of India” बिजाबखौ बर' रावआव राव सोलायनो गनायथि होयो ।
10. इं 19-12-2011 आव बर' बिजोंनि भेन्सार फरायसालिफोरखौ सोरकारि खालामनाय आरो बर' बिजों सोलोंथाइनि आलादा डाइरेक्टरेट गायसननांगौनि दाबि दैखानानै आसामनि गिबि मन्त्रि मुस्ति तरुन गगैनि आखायाव गोसोखां बिलाइ गथायो ।
11. इं 09-06-2012 आव आसान साहित्य सभाया आसाम सोरकारनिफ्राय राडारि आरो गुबुन खाबुफोरखौ मोन्नो हादों बेफोर खाबुफोरखौ ट्राइबेल साहित्य सभाफोराबो मोन्नांगौनि दाबि आरो ट्राइबेल साहित्य सभाफोरनि बायदि

-
- जेंनाफोरखौ सुस्नांगौनि दाबि दैखांना आसामनि मानगोनां गिबि मन्त्रिनि आखायाव गांसे गोसोखां बिलाइ गथायो। बे हाबाफारियाव गासिबो ट्राइबेल साहित्य सभानि दैदेनगिरिफोराबो लोगोआव मदद होफादोंमोन ।
12. इं 09-06-2012 आव मोनसे गोदान इन्दिजोनास ट्राइबेल साहित्य सभा मुंनि थुनलाइयारि आफाद दायो आरो ट्राइबेलफोरनि राव-थुनलाइ जौगानायनि थाखाय जयै खौसे मददजों हाबा मावलायनायनि थांखि आजावो ।
13. हारियारि दाडाबाजियाव खहा जानांनाय सुबुंफोरनो रैखाथि आरो उनसुंथाय होनांगौनि दाबि दैखांनानै गासै जिडाइनथा बर' हारियारि आफादफोरा जयै आसाम सोरकार गोसोखां बिलाइ गथायो ।
14. इं 10-08-2014 निफ्राय जागायनानै जिरायनाय गैया जासे 14-09-2014 सिम कक्राझार, सिरां, उदालगुरि, सनितपुर आरो गोबां जायगाफोराव समाजाव गोजोन आरो खौसेथिनि थांखिजों राज्यो राजाफोरनि गेजेराव मेल खुंबोदों आरो जिला बेंगिरिफोरजों गोबां लोगो हमलायनानै गोसोखां बिलाइ गथायदों ।
थुनलाइयारि आफादनि मासिगिरि जानानै बर' राव आरो थुनलाइ जौगानायनि हाबा मावनायनि अनगायैबो समाजाव गोजोन आरो खौसेथिनि हाबा मावनाया मखजाथाब ।
15. इं 16-03-2016 याव आसाम मुलुगसोलोंसालियाव बर' रावआव मेजर आरो एम. ए. कर्स गायसन्नांगौनि दाबिदैखांनानै बर' थुनलाइ आफादआ आसाम मुलुगसोलोंसालिनि मानगोनां भि.सि. बिथानि आखायाव गोसोखां बिलाइ गथायो ।
-

16. इं 17-07-2016 याव बर' थुनलाइ आफादआ बर बिजोंनि सोलोंथाइयाव नुजाथिनाय बायदि जेंनाफोरखौ सुस्रानांगौनि दाबि दैखांनानै जेंनाफोरखौ भारत सोरकारनि मानगोनां गाहाइ मन्त्रि आरो सोलोंथाइ बिफाननि मन्त्रिनि आखायाव गोसोखां बिलाइ गथायो ।
17. इं 14-11-2016 याव बर' राव आरो हांखोनि बानाननि सायाव बर थुनलाइ आफादआ बरमायाव मोनसे मावबादा खुंफुडो ।
18. मखनो गोनांदि इं फेब्रुवारि दाननि 7 अक्ट 2017 आव धेमाजि जिलानि सिमेनसापरियाव बर' थुनलाइ आफादनि 56 थि बोसोरारि जथुमायाव मोनसे गोनां गोदान थांखि आजावो । बे थांखियानो जादों बर' थुनलाइ आफादनि मावकुं आफादआव आइजोफोरनि थाखाय जरखायै मोनै मासि थिनानै दोन्नाया। बे थांखि आजाव नायनि गेजेरजों आइजो गोहोनि गोनांथिखौ नो होनाय जादों ।

गोजौआव मखबोनाय गोलाव बोसोर समाव बिथांनि बिबान लानानै दैदेन्नायाव बर' थुनलाइ आफादआ बर'राव, थुनलाइ आरो सोलोंथाइ जौगानायनि थाखाय मखजाथाव हाबा मावबोदों लोगोसेयै बर' हारिनि माहारियारि आफादफोरखौ जयै लाफानानै बर' समाज जौगानाय आरो समाजाव गोजोन, खौसेथिनि मेंनायगोयै हाबा मावबोनायखौ रोखोयै नुनो मोन्दों। मख'नो गोनांदि बिथां गेदेमाया बर' थुनलाइ आफादनि ट्रास्ट फुन्जियाव इं 2016 मायथाइ, जुलाइ दाननि 5 अक्टआव 1 लाख (से लाख) रां दान होदों। बिथांनि बे गुवार गोसोनि दान होनाया दैदेनगिरिनि नंगुबै गुननि फारसे इसारा होनाय । गुवार नोजोरै नायोब्ला बिथांखौ सासे गोखों आरो उथ्रिसार दैदेनगिरि बुंनो हायो जायबादि दैदेनगिरिखौ दानि बर' समाजनि थाखाय जोबोरै गोनांथार ।

बिथाडा गनतान्त्रिक खान्तिजों आफाद दैदेनबोदों, गावनि सुबुंथियाव जेबो सोंखारिजाथाव दागो दोनालाबानो गावनि मासिखौ रैखाथि होबोदों ।

बिथानि आफाद दैदेनन्नाय आदब-खायदाफोरा थारैनो बाखनायथाव आरो गनायजाथाव । दानि आरो इयुन जोलैफोरा साफा-साफा गोगो आरो गोख्रों दैदेनगिरि मह्रै गाव गावखौ दानानै समाज सिबिनो थाखाय बिथानि दैदेनगिरि मह्रै हाबा मावनायनि आदब खायदाफोरखौ सोलोंनांगौनि जोबोरै गोनांथि दड ।

फावदिन्थिगिरि महरै ड. कामेस्वर ब्रह्म

ड० कामेस्वर ब्रह्मआरि सासे फावदिन्थिगिरि, थुनफावथाय लिरगिरि आरो बिथोनगिरि बिथानि बे गुनखौ जोंनि गेजेराव एसेल' सुबुंडा मिबथिगौ । फरायसा समनिफ्रायनो समाज सिबिनाय हाबायाव बिथाडा जोबोरै गोसो गुदुंमोन आरो गोबां समाव गोबां जौसाडाव थुनफावथायनि गेजेरजों समाजाव मोजां आबहावा दानो थाखाय थुनफावथाय दिन्थियोमोन । समाज फोसाबनाय आयदाफोखौ लानानै बिथाडा बर' आरो असमियानि थुनफावथायाव फावदिन्थिगिरि महरै फावदिन्थिबोदों, थुनफावथाय लिरदों आरो बिथोनगिरि महरै हाबा मावबोदों । बिथानि सखल'-बखल' नायनो मोजां महर गोसा महरानो एक्टर होन्नानै सिनायथि होखायो ।

इं 1960 मायथाइयाव भुमका गामियाव गोदान लामा मुंनि थुनफावथिना दिन्थिनाय जादोंमोन । बे थुनफावथिनाखौ बिथाडानो लिरदोंमोन आरो बिथोन होदोंमोन । समाजाव फिसा-फिसौ बाथ्राखौ लानानै नांलाय-खमलाय जानो मोना, एना-एनि जानो मोना, समाजाव थांना थानो नाडा बयबो अनलाय नांगौ, मदद होलाय नांगौ, न'नि सोरगिदिं, गामिनि सोरगिदिं थासारिखौ साखोन-सिखोन लाखिनांगौ आरो बयबो लेखा-फरा फरायनानै गोरों गोरा जानांगौ बेफोरखौ बिथा खालामनानै बे सुंद' गोदान लामा थुनफावथिनाखौ बिथाडा लिरदोंमोन । थारैनो बै समाव बिथानि थुनफावथिनाया गोहोम खोख्लैनो हादोंमोन ।

इं 1962 मायथाइयाव असमियानि कोनौज कुवरी मुंनि थुनफावथायाव
थुनफावथायगिरि महुरै फाव दिन्थिदोंमोन । बे थुनफावथिनाखौ कक्राझारनि आर.एन. डे
हलआव दिन्थिनाय जादोंमोन ।

बान्था मोन्नाय

मेंनो रोडै समाजनि मोनफ्रोमबो बिथिडाव जौगानायनि थाखाय हाबा मावनायनि फिथाइखौ राज्यो-राजाफोरनि अन्नाय आरो मान महैरै मोन्नायजों लोगोसे बिथाडा बान्था महैरैबो लाध्र'नो हायै मोन्नो हादों । बिथानि बान्था मोन्नाय देदगाथाव हाबाया बयनिबो थाखाय थुलुंगाबो जानानै दड आरो थागोन । बिथानि जिउआव मा मा मान-बान्था मोननो हादों बेफोरखौ गाहायाव रायखांनाय जाबाय ।

1. सासे सांग्रां समाज सिबियारि आरो सोलेंथाइगिरि महैरै इं 1991 मायथाइयाव दिल्लीनि मोनसे एन.जि.अ. आ माहारियारि बान्था महैरै **“The Best citizen of India”** मुंनि बान्था हायो ।
2. इं 2012 मायथाइयाव सरत चन्द्र चट्टपाध्यायनि सल'मा 'देव दास'खौ बेंगुलिनिफ्राय बर' रावआव राव सोलायनायाव **“The Sarat Sarcha Puraskar”** बान्थाखौ मोन्नो हायो ।
3. इं 2014 मायथाइयाव ग'साइगाव एस.दि.अ. (सिभिल) निफ्राय **“Best Social Worker in the communities”** खौ बिथानो गथायो ।
4. इं 26 जानुवारि 2016 मायथाइयाव भारत सरकारा बिथानो पद्मसि बान्थानि थाखाय सायखयो आरो बे हादोरारि मानगोनां पद्मसि बान्थाखौ इं 12 एप्रिल, 2016 गोदान दिल्लियाव भारतनि हादोरगिरि मुस्लि प्रनब मुखारजिनि आखाइजों बिथानो गथायो ।
5. बिथां ड. कामेस्वर ब्रह्मनो मेंनो रोडै थुनलाइ सोरजिनाय हाबा मावनायनि थाखाय इं 10 फेब्रुवारि 2016 मायथाइयाव प्रमद चन्द्र ब्रह्म थुनलाइयारि बान्था गथायो बडलेण्ड टेरिटरियेल काउनसिलआ आरो बे बान्थाखौ गथायो बि.टि.सि.नि मानगोनां गाहाइ मुस्लि हाग्रामा महिलारिया ।

6. इंखं अयेलफेयार ससाइटिया इं 2018 मायथाइयाव 'Man of the year Award,2018' बान्थाखौ गथायो । बे बान्थाखौ ग'साइगाव बि.एड. कलेजआव ससाइटिनि मानगोनां आफादगिरि मुसि राजेन बसुमतारिनि आखाइजों गथायो ।

बिथां कामेस्वर ब्रह्मनि बेसेन गोसा बान्था मोन्नो हानाया बिथांनि नंगुबै मेंनो रोडै हाबा मावनायनिनो फिथाइ । इयुन जोलैया बिथांनि समाजनि हाबा मावनायनि आदब खायदानि गेजेरजों थारैनो थुलुंगा खांगोन ।

बर'नि गेजेराव पद्मसि बान्था मोन्नो हानाया बिथाडानो नैथि बर' गेदेमा। बियो बयनिबो थाखाय देदगाथाव जैरे पद्मसि मदाराम ब्रह्मआ बर'नि देदगानाय।

बिथानि थुनलाइ सोरजिनाय:

बिथानि थुनलाइ सोरजिनाय गोहोआ थाबथानाय गैयै निजोरानि फुंखाबादि बोहैनाय । समाज सिबिनाय हाबाखौ बिथाडा आखाइयाव खोलोम दैनानै खोलोमनि दाहारखौ गोबौ थुंग्रिबादि बाहायदों आरो समाजनि सुथुरफोरखौ एवसांदों ।

1. ड० कामेस्वर ब्रह्म बिथाडा सासे राफोद आखाइनि लिरगिरि । खन्थाइनि अनगा मोनफ्रोमबो आयदायावनो बिथाडा आखाय होदोंमोन । बिथानि बिजाब महरै गिबिसिन बर' थुनलाइ भान्दारियाव बिहोमा होजेन्नाय बिजाबानो जादों 'भारतनि जारिमिन' । बे बिजाबखौ फोसावदोमोन इं 1974 मायथाइयाव असमिया हांखोजों आरो बे बिजाबखौ उनावहाय देबनागिरि हांखोआव लिरफिन्नाय जादों । बे बिजाबखौ 9 आरो 10 थाखोनि आयदा महरै SEBA या गनायथि होयो ।
2. इं 1983 मायथाइयाव असमिया रावनि 'ग'साइगाव सहरर समु इटिब्रिट्ट' गांसे बिजाब फोसावो । बे बिजाबाव ग'साइगाव सोहोरनि बागै गुसुडै रांखानाय जादों ।
3. इं 1986 मायथाइयाव गुरुदेब कालिचरण ब्रह्म मुंनि गांसे जिउ जारिमिन लिरनानै फोसावो । बे बिजाबाव गुरुदेब कालिचरण ब्रह्मनि जोनोमनिफ्राय लानानै रूंसारि जाजासिम, सोल्लोंथाइ, न'खर दानाय, समाज फोसाबनाय हाबाफोरखौ लानानै गासै जारिमिनखौनो बर' रावनि असमिया हांखोजों बिजाब फोसावो । बे बिजाबखौ थाखो 8 आव रेपिड रिडार महरै आजावो ।

4. बर' हारिनि गोजाम हारिमु आसार-खान्ति, फोथाइनाय बायदिखौ लानानै इं 1988 मायथाइयाव बर'नि हारिमु मुंनि गांसे बिजाब फोसावो ।
5. इं 1989 मायथाइयाव 'Aspects of Social Customs of the Bodos' मुंनि गांसे समाजारि इंराजि रावनि बिजाब फोसावो ।
6. इं 1992 मायथाइयाव गुरुदेब कालिचरण ब्रह्मनि जिउ जारिभिनखौ लानानै इंराजि रावनि 'Life and works of Srimot Kalicharan Brahma' मुंनि बिजाब फोसावो ।
7. 'A Study of Socio-Religious Beliefs, Practices and Ceremonies of the Bodo' मुंनि इंराजि रावजों इं 1992 मायथाइयाव बिजाब फोसावो । बे बिजाबाव बर'नि धोरोमारि फोथायनाय, समाजारि फोथायनाय, नेम-खान्ति आरो फोरबो फोरनि बागै गुवारै लिंरनाय जादों । बे बिजाबा बिथांनि डक्टेरेट मोन्नायनि थेसिसनि आयदानि सायाव फोसावनाय ।
8. इं 1994 मायथाइयाव बर'नि 'रायथाइ बिदां' मुंनि बिजाब फोसावो।
9. इं 1999 मायथाइयाव इंराजिनि 'A study in Cultural Heritage of the Bodos' मुंनि बिजाब फोसावो ।
10. इं 2010 मायथाइयाव बर' रावनि बिजाब फोसावो ग'साइगाव नोगोरनि जोनोम जानायनि बागै । बे बिजाबनि मुडा- 'ग'साइगाव नोगोरनि सुंद जारिभिन' ।
11. बिथांनि थुनलाइ सोरजिनायफोरा गथ'फोरनि मुडैबो लिंरनाय । इं 2001 मायथाइयाव बर' रावनि 'उन्दै लाइमोनफोरनि सल' बाथा' मुंनि गथ' थुनलाइ फोसावो ।
12. इं 2002 मायथाइयाव बर'नि गथ' थुनलाइ 'गोरलैफोरनि सल' बाथा' मुंनि थुनलाइ सोरजियो ।

13. राव सोलायनाय हाबायावबो बिथाडा आखाइ होदोंमोन । इं 2007 मायथाइयाव सरत चन्द्र चट्टपाद्यायनि गुबै देब दास बेंगुलि रावनिफ्राय बर' आव राव सोलायो।
14. इं 2006 मायथाइयाव बर' आरो इंराजि रावनि थुनलाइ आरो दोहोरोम मुंनि गासे रनसाइ बिजाब फोसावो ।
15. इं 2003 मायथाइयाव बर' रावनि मुलुगदांखा गोनोखोआरिफोरनि गोसोखां जिउ खौरां मुंनि बिजाब फोसावो ।
16. इं 2012 मायथाइयाव टासलिमा नासरिन नि गुबै बेंगुलि बिजाब फेरा खौ बर' रावआव राव सोलायो फैफिन्नाय मुं होनानै ।
17. इं 2017 मायथाइयाव रमेला थापार लिरनाय इंराजि बिजाब 'Early History of India' खौ गिबि भारतनि जारिमिन मुडै बर' रावजों फोसावो । बे बिजाबखौ बिथाडा 2016 मायथाइयाव रावसोलायो आरो 2017 मायथाइयाव बर थुनलाइ आफादआ फोसावो ।
18. इं 1982 मायथाइयाव असमिया रावनिफ्राय बर' आव “**फोरलां बाबाजिनि जिउ खौरां**” मुंनि सुंद जिउ जारिमिन फोसावो ।
19. इं 2004 मायथाइयाव 'A study in Myths and Legends of the Bodos' मुंनि इंराजिनि बिजाब फोसावो ।
20. इं 2019 मायथाइयाव बर'नि रावजों लिरगिरिया गावनि जिउ खौरांखौ लानानै गांसे अट' बायग्राफि फोसावो “बुंखा दैसानि सेर सेर” मुंनि बिजाबाव ।
21. इंराजि 2019 मायथाइनि सेप्टेम्बर दानाव असमिया रावनि बिष्णु राभानि सुंद जिउ खौरांखौ लानानै “बिष्णु राभार जिबनादरसनर दुटिमान दिख” बिजाब फोसावो ।

बिथांनि थुनलाइ सोरजिनाय हाबाया मेंनो रोडै मावथिनि आदर्स फोरमायो । बर', असमिया, बांला आरो इंराजि मोनफ्रोमबो रावआव बिथाडा लिरनाय आरो फरायनायाव आखा-फाखाखायनो बर' थुनलाइनि अनगायै असमिया, बांला आरो इंराजि रावनि फोथारावबो बिहोमा होबोदों आरो इयुन जोलैखौ थुलुंगा होबोदों । बिथाडा दासिमबो साख्रिनिफ्राय आजिरा लादोंब्लाबो थुनलाइ सोरजिनाय आरो सिबिनाय हाबानिफ्राय आजिरा लायाखै बिथांनि लिरनाय राव आरो आदबफोरा गोरलै आरो थोंजों । ओरैनो थानाय समाव समफोरखौ लिरनाय हाबायावनो बाहायोमोन । मख'नो गोनांदि जाय हाबाखौ बिथाडा मावनो थिखालामो बैहाबाखौ गोसो होथाबनानै मावो आरो मावफुंडो। रमेला थापारनि गुबै बिजाब “Early History of India” खौ बर' रावआव थाम बोसोरनि गेजेराव हाबा मावनानै राव सोलायदोंमोन । गोजां बोथोर समाव हिटार लागायनानैबो माब्लाबा हरनि से / नै रिंगासिमबो हाबा मावदों । बिथांनि बे जिरायनाय गोयै थाम बोसोर राव सोलायनाय हाबा मावनाया बयनिबो थुलुंगा।

थाब उन्दुनाय आरो थाब सिखारनाय हुदाखौ बिथाडा फोथोयामोनब्लाबो बै थाम बोसोरा उलथां-फालथां जालायदोंमोन । दासिम बिथाडा बर', इंराजि आरो असिमया रावनि गासै नैजिनै गां बिजाब लिरनानै थुनलाइनि भान्दारखौ दोहोनि खालामनो हादों ।

बिथाडा सासे जारिमिनगिरि, रायथाइगिरि, सुदं' सल', लिरगिरि आरो सानमालाइसि थुनलाइ सोरजिगिरि । रन्साइ, सुदं' सल', गाहाम हामलायथि रादाब, जिउखौरां, जारिमिन बायदि थुनलाइयाव बिथाडा गोख्रोडै आखाइ होबोदों ।

आब्रुथि आरो सम मानिसुला महरै

सासे गोख्रों आब्रुथि आरो सम मानिसुला महरै पद्मसि ड. कामेस्वर ब्रह्मखौ रायखांनो हायो। फसंथानारि एबा जायखिजाया समाजारि हाबा मावनो थांनायाव बिथाडा बै फसंथान आरो समाजनि नेम खान्थिखौ मान होनानै आरो बिथा खालामनानै बिथांखि लानाय आरो मावफुंनायाव गोनांथि होनायखौ नूनो मोनो । थांखि जाफुंहोनायाव जाहाथे फेलें जाया आरो गुलाय-गुलाय जाया बेखौ नोजोर होनानै नेम खान्थिखौ सिगाडाव दोन्नानै गावनि सोरजिलु बिबुंथिफोरखौ लाखियो । बिथाडा बेखौनो फोथायो दि मोनफ्रोमबो फसंथान, आफाद आरो समाजाव नेम खान्थिफोर थायो आरो बैफोर नेम खान्थिखौ मान होनो रेंनायाव आब्रुथिया गोथां जानानै थायो । बर' थुनलाइ आफादखौ लानानै बिथाडा माब्लाबाबो राजखान्थि गेलेयाखै थुनलाइ आफादखौ माब्लाबाबो रावनोबो फान्नानै गुलाय-गुजाय खालामाखै।

बिथांनि देरहासाद जिउआव सम मानिनानै सोलिनाया गाहाइ जायगा आवग्रिनानै लानो हाबोदों । जानाय-लोंनाय, मेल-मिथिंफोराव नुजाथिनाय, गावनि फरायसा समाव बिजाब फरायनाय, साखि मावनाय समाव मोनफ्रोमबो सम आरो थासारियाव समनि बेसेन होबोदों आरो बेनिखायनो बिथाडा उथ्रिसार आरो गोजोन जिउ खुंबोनो हादों । “दिनैनि हाबाखौ दिनैनो मावनांगौ” बोसोनखौ बिथाडा फोथायो ।

बेखौबो मख'नांगोनदि बिथांनि गान्नाय जोमनायफोरा जोबोरै साखोन-सिखोन, आयरन होनाय आरो गोबां गाबनि गोबां गान्नाय जोमनाय ।

बर'नि गान्नाय-जोमनायफोरखौ बिथाडा मोजां मोनसो गारोमोन जेरै गोदोनायाव आर'नाइ लानाय, इन्दि क'ट गान्नाय । मेल मिथिंफोराव सम मथे नुजाथिनाया बिथांनि गोगो सानसि । मेल मिथिंफोराव साहाजों बिस्कुट जानाय-लोंनायखौ बिथाडा जोबोरै

मोजां मोनो नाथाय गोजां आदार आरो बाजाराव उदाडै फान्नाय गोदै गोथावफोरखौ मोजां मोना ।

बिथानि आब्रुथि आरो सम मानिनानै हाबा मावनाय हारिमुआ जों बयखौबो आब्रुथि आरो समनि बेसेन होनो फोरोंदों ।













Magazine edited by Dr. Ajit Boro

Sl. No.	Responsibility	Name of Magazine	Session
1	Vice-Chairman	Gwhwphuri (BSS, Gohpur)	09/10/2002
2	Adviser	The Dawn (Kokrajhar Govt. CTE)	2003-04
3	Chairman	Brahma Giyan (Brahma Dharma, Gohpur)	09/10/2005
4	Editor	Khonthaimala (Kokrajhar Boro Employess Literary Society)	2005
5	Editor	Khonthaimala (Kokrajhar Boro Employess Literary Society)	2006
6	Editor	Khonthaimala (Kokrajhar Boro Employess Literary Society)	2007
7	Editor	Khonthaimala (Kokrajhar Boro Employess Literary Society)	2008
8	Editor	Khonthaimala (Kokrajhar Boro Employess Literary Society)	2009
9	Editor	Khonthaimala (Kokrajhar Boro Employess Literary Society)	2010
10	Editor	Khonthaimala (Kokrajhar Boro Employess Literary Society)	2011
11	Editor in chief	The Brahma (All Brahma Dharma Committee)	2007
12	Editor in chief	The Brahma (All Brahma Dharma Committee)	2008
13	Editor in chief	The Brahma (All Brahma Dharma Committee)	2009
14	Editor	Rupnath Brahmani Agan (Kokrajhar Rupnath Brahma's Birth Day Observance Committee)	15/06/2007
15	Editor	Hadanpara Bisombi (Hadanpara village, Kokrajhar)	16/11/2007

आंनि नोजोरजों
पद्मसि ड० कामेस्वर ब्रह्म

16	Chairman	Swrang (Silver Jubilee Kokrajhar Law College, Kokrajhar)	2010
17	Chief Editor	Rashvan (Girls College, Kokrajhar)	2010
18	Editor	Swami Ramdevni Agan (Kokrajhar Patanjali Yog Samity)	11/02/2011
19	Editor	Gurudevni Agan (Kokrajhar)	2009
20	Editor	The Bodo (Mouth piece of Bodo Sahitya Sabha)	2008
21	Editor	The Bodo (Mouth piece of Bodo Sahitya Sabha)	2009
22	Editor	The Bodo (Mouth piece of Bodo Sahitya Sabha)	2010
23	Editor	The Bodo (Mouth piece of Bodo Sahitya Sabha)	2011
24	Editor	The Bodo (Mouth piece of Bodo Sahitya Sabha)	2012
25	Editor	The Bodo (Mouth piece of Bodo Sahitya Sabha)	2013
26	Editor	The Bodo (Mouth piece of Bodo Sahitya Sabha)	2014
27	Editor	Subunghthini Thandwi (Bineswar Brahma Kokrajhar)	2011
28	Editor	Subunghthini Thandwi (Bineswar Brahma Kokrajhar)	2012
29	Editor	Subunghthini Thandwi (Bineswar Brahma Kokrajhar)	2013
30	Editor	Phengkha (ABSU, Kokrajhar)	2011
31	Executive Editor	Kungskhrajhar (R.C. B.S.S, Kokrajhar)	2012
32	Chief Editor	Boro Samajni Agan (Boro Samaj Central Committee	2012

आंनि नोजोरजों
पद्मसि ड० कामेस्वर ब्रह्म

33	Chief Editor	Brahma Bisombi	2012
34	Chief Editor	Biren Ch. Brahma (Ex-President, All Brahma Dharma Committee)	13/05/2012
35	Editor	Bodoland Mungklong	12/06/2012
36	Joint Editor	Girl's College, Kokrajhar Annual Magazine	2011
37	Joint Editor	Girl's College, Kokrajhar Annual Magazine	2012
38	Guest Editor	Parbatjhora (BSS, RC)	19/01/2013
39	Chief Editor	Brahma Bwswn	02/02/2013
40	Chief Editor	Bwisagi (Bwisagu Celebration Committee, Kokrajhar)	2009
41	Chief Editor	Bwisagi (Bwisagu Celebration Committee, Kokrajhar)	2010
42	Chief Editor	Bwisagi (Bwisagu Celebration Committee, Kokrajhar)	2011
43	Chief Editor	Bwisagi (Bwisagu Celebration Committee, Kokrajhar)	2012
44	Chief Editor	Bwisagi (Bwisagu Celebration Committee, Kokrajhar)	2013
45	Chief Editor	Bwisagi (Bwisagu Celebration Committee, Kokrajhar)	2016
46	Editor	Sonathi Laikhong	31/5/2013

आंनि नोजोरजों
पद्मसि ड० कामेस्वर ब्रह्म

47	Chief Editor	Pratima Boro (KDSA, Kokrajhar) (National 136 th Archery Championship)	24/11/2013
48	Chief Editor	Phanindra Nath Brahma (Ex-President, All Brahma Dharma Sanmilan)	04/12/2013
49	Chairman	Gossaigaon B.Ed. College (Annual Magazine)	2011-2012
50	Chairman	Gossaigaon B.Ed. College (Annual Magazine)	2013-2014
51	Editor	Zinziri (BTAD Book Fair)	05/10/2014
52	Chief Editor	The Mirror of the Tribal (All Tribal Sangha)	20/12/2014
53	Chief Editor	Brahma Bwswan	27/01/2016
54	Chief Editor	Samaj Sibiary (Rungsari Bijan Kr. Brahma (Ex-President, Subung Sibi Afat,	2016
55	Editor	Manik Kr. Brahma (Ex-Secretary, GKBA)	2016
56	Chief Editor	Children The Third Eye (State Level Children Science Congress)	2017
57	Chief Editor	Swami Ramdevni Agan – II (Kokrajhar Patanjali Yog Samity)	2017
58	Chief Editor	Kalyan Ashram (Kokrajhar)	2015
59	Editor	Brajendra Kr. Brahma (Ex-President B.S.S)	2017
60	Chief Editor	Taekwondo (Kokrajhar Taekwondo Association, Silver Jubilee	2019

आंनि नोजोरजों
पद्मसि ड० कामेस्वर ब्रह्म

61	Chairman	Swithw Giyan (All Brahma Dharma Youth Forum Mouthpiece, 1 st Issue	2019
62	Editor	Yog Barta (E-Magazine Sampark, Assam	14/10/2020



SAHITYA AKADEMI

&



BODO SAHITYA SABHA, PARBATJHORA DISTRICT

Cordially invite to

"People and Book" "Through My Window" And "Loka: The Many Voices"

Date: 22nd October, 2019 :: Venue: Bashbari, (Parbatjhora)
Dist : Kokrajhar BTC, Assam

INVITATION

Dear Sir/Madam,

We feel proud to inform you that Sahitya Akademi sponsored programme such as – 1. People and book 2. Through my window and 3. Loka : the many voices are going to be organized at Bashbari (Parbatjhora) under the reception Committee of Parbatjhora District Bodo Sahitya Sabha on 22nd October, 2019. In the said programme the eminent singer Mrs. Sulekha Basumatary will participate and Mr. Sushil Hazowary will demonstrate and illustration on "Naa gurnai" Dance is also being arranged.

We therefore, request you / your organization/ Institution / Association / Society to kindly grace the occasion with your kind presence.

Yours faithfully

On behalf of the Organizing Committee

*Mr. Dhananjay Brahma
(Chairman)*

*Mr. Ambikagiri Hajowary
(Convenor)*

PROGRAMME

Inaugural Session	: 10:00 a.m.
Welcome address	: Dr. Mihir Kr. Sahoo, Regional Programme Officer, Sahitya Akademi, Kolkata
Inauguration by	: Sri Banendra Kr. Mushahary, Chairman, A.P.C.D.C.L, Govt. of Assam
Special Guest	: Sri Toren Boro, Hon'ble, President Bodo Sahitya Sabha
Souvenir Inaugurator:	Padmashree Dr. Kameswar Brahma Ex-President Bodo Sahitya Sabha
Guest of Honour	: Sri Janil Kr. Brahma, Sahitya Akademi Awardee
Guest of Honour Chairperson	: Miss Kritika Basumatary, ACS Dr. Anil Boro, Convenor, Bodo Advisory Board, Sahitya Akademi
Vote of thanks	: Sri Ambikagiri Hajowary, Secretary, P.D.B.S.S.

11:00 am

THROUGH MY WINDOW

Dr. Ajit Boro, Principal, Gossaigaon B.Ed. College, will present his impression on the life and works on the eminent Bodo writer Padmashree Dr. Kameswar Brahma.

12.15 pm

PEOPLE AND BOOK

Sulekha Basumatary, Eminent Singer, will speak on books that played a vital role in her life

1.00 pm

(LOKA : THE MANY VOICES)

Demonstration on "Naa Gurnai" Bodo Folk Dance

Demonstration lecture : Sri Sushil Hazowary

Speech by : Mr. Jatindra Nath Brahma, MCLA
1 No. Parbatjhora Constituency

Vote of thanks by : Sri Debakanta Brahma, President, P.D.B.S.S.
(LUNCH)



हांखाइलाइ

मानाव गेदेत/गेदेमाजो,

नोंथां/नोंथांमोननो फोरमायनो मोननानै जों जोबोरैनो गोजोननाय मोन्दोंदि, फैगौ 22 अक्ट'बर 2019 ई अक्ट'खालि पर्वतझ'रा हालामनि बासबारियाव साहित्य अकादेमि आरो पर्वतझ'रा जिला बर' थुनलाइ आफादनि बान्जायनायाव 1. पिपल एन्ड बुक 2. थ्र माइ उइन्द' आरो 3. लका: दा मेनि भइसेस बे मोनथाम आयदानि सायाव सानसेनि हाबाफारिजों खुंफुनो थाखाय लाहार-फाहार खालामनाय जादों ।

बे हाबाफारियाव गोबां सानसुमै बिथांमोनहा बाहागो लाफैनायजों लोगोसे मुंदांखा मेथाय रोजाबगिरि मुस्त्रिमा सुलेखा बसुमातारि बिथाडाबो बाहागो लाफैगोन । बिनि अनगाबो सुसिल हाज'वारि बिथाडा बर' हारिमुनि “ ना गुरनाय ” मोसानायनि सायाव दिन्थिफुंगोन आरो बेखेवथिसारनानै होगोन ।

बेनि थाखायनो जों, नोंथांखौ/नोंथांमोननि आफादखौ/फसंथानखौ/गौथुमखौ अननानै बे सावराय मेलाव बाहागो लाफैनानै हाबाफारिखौ जाफुंसार होफैनो थाखाय गुरैयै खावलायहरनाय जाबाय ।

गोजोनथों ।

नोंथांमोननि फोथायजाथाव

खुंफु आफादनि जानानै

मुसि धनन्जय ब्रह्म
मासिगिरि

मुसि अम्बिकागिरि हाज 'वारि
लिंथुमगिरि

हाबाफारि

बेखेव फोरबो - फुंबिलि 10.00 रिंगा
बराय बिबुंथि - ड० मिहिर कुमार साहु, ओन्सोलारि बिथांखि मावख'गिरि,
साहित्य अकादेमि, कलकाता
बेखेव बिबुंथि - मुस्त्रि बनेन्द्र कुमार मुसाहारि, मासिगिरि, ए.पि.सि.दि.सि.एल, आसाम
जर'खा आलासि - मुस्त्रि तरेन बर', मानगोनां आफादगिरि बर' थुनलाइ आफाद
बिसम्बि बेखेवगिरि- पद्मश्री ड० कामेस्वर ब्रह्म, बारग' आफादगिरि,
बर' थुनलाइ आफाद

माननि आलासि - मुस्त्रि जनिल कुमार ब्रह्म, साहित्य अकादेमि बान्था मोनगिरि
माननि आलासि - थरायना कृतिका बसुमातारि, ए. सि, एस
साबायखर बाउनाय - मुस्त्रि अम्बिकागिरि हाज'वारि, नेहाथारि, प.जि.ब.थु.आफाद
मासिगिरि - ड० अनिल बर', लिंथुमगिरि बर' एडभाइजारि बर्ड, साहित्य अकादेमि
समः फुंनि 11.00 रिंगा

आंनि नोजोर जों (THROUGH MY WINDOW)

ड० अजित बर' गोरायुं ग'साइगाव बि.एड. फरायसालिमा, पद्मश्री ड० कामेस्वर ब्रह्मनि
जिउ, हाबा मावनाय आरो थुनलायाव होनाय बिहोमानि सायाव बेखेवथि होगोन।

12.15 रिंगा

पिपल एन्ड बुक (People and Book)

मुस्त्रिमा सुलेखा बसुमातारि, भेटेरान सिंगार (रोंग'थि गोनां रोजाबगिरि) गावनि जिउवाव
मोनबोनाय रोंगथिफोरनिसायाव बिबुंथि लाखिगोन।

1.00 रिंगा

लकाः दि मेनि भइसेस

दिन्थिफुंनय “ना गुरनाय” बर' सुबुं मोसानाय

दिन्थिफुं बिबुंथि होगोन : मुस्त्रि सुसिल हाज'वारि

बिबुंथि लाखिगोन : मुस्त्रि जतिन्द्र नाथ ब्रह्म एम.सि.एल.ए., 1 नं पर्वतझरा बियाबा
साबायखर बाउनाय : मुस्त्रि देब'कान्ट ब्रह्म, आफादगिरि, प.जि.ब.थु. आफाद।

(जानाय)

ड० अजित बर'नि फोसावनाय बिजाबफोर

1. गुरुदेब कालिचरण ब्रह्म आरो बर' समाजाव बिनि बिहोमा, 2005 (जिउ खौरां)
2. गुरुदेब कालिचरण ब्रह्मनि सान्थौ, 2006 (रनसाइ)
3. गियान बिदां, 2007 (रनसाइ)
4. गुरुदेब आरो ब्रह्म धोरोम, 2009 (रनसाइ)
5. सिमां मोखथां, 2009 (सल'मा)
6. समाज खौरां, 2010 (रनसाइ)
7. गुरुदेब कालिचरण ब्रह्म (नैथि बिसान), 2010 (जिउखौरां)
8. ट्राइबेल बेल्ट आरो ब्लकआ सोरनि?, 2012 (सावरायथाइ)
9. गथ'सा बिसम्बि, 2016 (रनसाइ)
10. मेच गान्धी: सानसि आरो मावनाय, 2017 (रनसाइ)
11. गुरुदेब कालिचरण ब्रह्म, थामथि बिसान, 2019 (जिउखौरां)
12. आंनि नोजोराव पद्मसि ड० कामेस्वर ब्रह्म, 2020 (जिउखौरां)
13. गोजाम बिसम्बिनि गोदान सावगारि, 2020 (खन्थाइ)
14. आंनि नोजोराव पद्मसि ड० कामेस्वर ब्रह्म, 2020 (जिउखौरां) नैथि बिसान

The Author



Dr. Ajit Boro has been working as Principal at Gossaigaon B.Ed. College, Kokrajhar, BTAD, Assam since 2005. Presently he is the member of Bodo Advisory Board, Sahitya Akademi, Ministry of Culture, Govt. of India, He is the Secretary of Kalyan Ashram, Kokrajhar, Adviser All Brahma Dharma Youth Forum, Member of Bharat Vikas Parishad, Kokrajhar, Adviser, Patanjali Yog Samiti, Kokrajhar, He worked as Casual Announcer at All India Radio, Kokrajhar, Editor of The Bodo, the mouthpiece of Bodo Sahitya Sabha, Secretary of Gurudev Kaclicharan Brahma Trust, Life member of Bodo Sahitya Sabha .

He was also working as Asstt. Prof. in the dept. of Education at Girls' College, Kokrajhar, Part time Lecturer in Education at Govt. College of Teacher Education, Kokrajhar, Counsellor at Krishna Kanta Handique State Open University, Science College, Kokrajhar Study Center.

He has till now, published 12 nos of Books in Bodo (Prose, Novel, Biography, Essay)

He has edited more than 65 Nos. of Magazines in English and Bodo and out of it he has edited 22 Nos. of Magazine as a Chief Editor so far. He has attended in many school programmes as motivational speaker.